

Diskursu husi S.E. Sr. Yoshitaka HANADA, Ambaxador Japaun,
Iha Seremonia Asina Kontratu ba “Projetu Promosaun Edukasaun Saude
ba edukasaun basiku iha Distritu Ermera no Dili”

17 Dezembru 2012

Hau kontenti tebes ohin loron iha ne’e atu halao seremonia asina kontratu konaba Fundu Kontratu ho ONG SHARE, ONG Japanes ba Fundu Asistensia ba Projetu ONG Japanes. Guvernu Japaun sei fo tulun orsamentu hamutuk US\$ 351,987 (Rihun atus tolu lima nulu resin ida atus sia walu nulu resin hitu) ba SHARE iha Tinan 2012 “*Projetu Promosaun Edukasaun Saude ba edukasaun basiku iha Distritu Ermera no Dili*”. Projetu ne’e sei implementa iha Tinan 3 nia laran atu promove eduksaun saude liu-liu ba studante eskola basiku no pre sekundariu iha Distritu Ermera no Dili.

Desde 1999, SHARE halao servisu oin-oin ona ba projetu ajuda comunidade iha area rural iha Timor-Leste relasaun ho setor saude no kooperasaun ho comunidade lokal. Implementa ona mos projetu promosaun edukasaun saude iha Distritu Ermera husi 2009 to’o 2012 liu husi Fundu Asistensia ba Projetu ONG Japanes nian. Hau haksolok tebes tamba Guvernu Japaun suporta ONGs Japanes nian hanesan SHARE, ne’ebe halo ona servisu makaas tebes atu hadia setor saude no edukasaun iha tempu naruk.

Durante Tinan 3, SHARE fo kontribui laos deit atu hadia kondisaun saude husi studante no comunidade maibe mos atu hasae kapasidade treinador saude distritu iha Distritu Ermera. Liu husi projetu ida ne’e SHARE sei habelar programa saude ba studante sira iha Distritu Dili no haforsa koopersaun ho Ministru Saude no Ministru Eduksaun atu dezenvelope material eduksaun saude ba profesor/a no studante.

Ikus liu hau hakarak hato’o hau nia “Obrigado Barak” ba ONG SHARE, ofisial guvernu no ema iha comunidade. Ida ne’e ami nian, ema Japanes sira sentimentu makaas no esperansa ne’ebe ita bele kontribui atu hadia setor saude ba oin, atu fo moris diak ba Timor-Leste, liu-liu studante no professor/a. Ami sei kontinua kaer liman servisu hamutuk, no hare ba oin atu servisu hamutuk ho ema no Guvernu Timor-Leste ba ita nia fraternidade ne’ebe klean.

Obrigado Barak.

(Remata)